

«Կապույտ բերետավորների» 20%-ը կանայք կլինեն



ՄԱԿ - ը հուսով է, որ 2014-ին իր խաղաղարար-նստիկանների շարքերում կլինեն 20% կանայք:

Այս մասին ՄԱԿ-ի կենտրոնականի մամուլի ասուլիսում հայտարարել է ՄԱԿ-ի գլխավոր նստիկան-խորհրդական Անն-Մարի Օրլերը:

Այսօր մոլորակի տարբեր մայրցամաքներում ծավալվել են 12 խաղաղարար և 5 հատուկ քաղաքական առաքելություններ: Դրանցում ծառայում է աշխարհի տարբեր անկյուններից 13680 նստիկան: «Կապույտ բերետավորների» մեջ 1173-ը կանայք են: Սա ՄԱԿ-ի նստիկանների ընդհանուր թվի 8,5%-ն է:

Կին-նստիկանները միավորվել են



Մեկ տարի առաջ 2009-ի հունիսին, Հայաստանում ստեղծվեց Ոստիկանությունում ծառայող կանանց խորհուրդը: Խորհրդի ղեկավար ընտրվեց Քրեական հետախուզության երրորդ վարչության պետի տեղակալ, գնդապետ Նելլի Դուրյանը:

Այսօր Հայաստանի ոստիկանության կառուցվածքում ծառայում են շուրջ 2500 կանայք, նրանցից 524-ը (10%) սպա են, 283-ը (6%) շարքային, մյուսները տեխնիկական ու քաղաքացիական աշխատողներ: Նշենք, որ ոստիկանությունում անցկացվող լայնածավալ բարեփոխումների ծրագրում ներառված է նաև գեներալային բաղադրիչը: ԵԱՀԿ Երևանյան գրասենյակի աջակցությամբ ՀՀ ոստիկանության համար մշակվելու է գեներալային հավասարության ռազմավարություն: Միջազգային փորձը ցույց է տալիս, որ կանանց թվի ավելացումը ոստիկանների շարքերում, այդ թվում նաև գերատեսչության ղեկավարությունում, նպաստում է իրավապահ մարմինների նկատմամբ բնակչության վստահության բարձրացմանը:

Զանգվածային բռնաբարություններ Դրոզդատանի հարավում



Ղրզադատանի հարավում ազգայնապաշտպանության ուժերը կարգապահություն հաստատելու ընթացքում եղել են նաև զանգվածային բռնաբարություններ: Բժիշկների ու ակամատներին խոսքով դրանց զոհ են դարձել նաև հղի կանայք ու մանկահասակ աղջիկներ: Ոչ բոլոր զոհերն ու նրանց հարազատներն են մտածելակերպի առանձնահատկությունների պատճառով պատմում տեղի ունեցածի մասին: Ունյիսկ հայտնվելով անվտանգության մեջ, հաղորդում է «Եվրոնյուզ»:

«Ամբոխը հարձակվեց այս 16-ամյա աղջնակի վրա հենց հոր աչքի առաջ: Նա բղավում էր, իսկ երբ սկսեցին ուռքերով հարվածել գոտկատեղին, անզիտակից ընկավ»,- պատմում է զոհի ազգականներից մեկը: Հիշեցնենք, որ դրոզդատի ու ուզբեկների միջև էթնիկ բախումներ սկսվեցին հունիսի 11-ի գիշերը Դրոզդատանի հարավում Օշում և Ջալալաբադում: Հակամարտության մեջ է ներգրավված շուրջ մեկ միլիոն մարդ, հարյուր-հազարավորներ դարձել են փախստականներ:

# Կինը և քաղաքականությունը

Մենք չենք կարող թույլ տալ, որ հարևան անհավասարությունը, քանի որ առանց հավասարության ժողովրդավարությունն ավարտուն է:  
Սոուդ դե Բյոր-Բուքիբո



Էջ 4

Անվճար հավելված

## Մայիս-հունիս 2010



Խաղաղությունը մանկական նկարներում ապահովության զգացումն է, երբ կողքիդ են հայրիկն ու մայրիկը, երբ արևը շողում է, ու երկինքն անսահման կապույտ ու ջինջ է...

«Ինչպե՞ս բացատրել մանկիկին, թե ինչ է պատերազմը: Ինչպե՞ս պատասխանել հարցին. ինչու՞ են այնտեղ սպանում...»

Թեմայի շարունակությունը՝ 2-րդ էջում

## Խաղաղության կանանց բանաձևը

Ասում են՝ համաշխարհային պատմության ընթացքում ընդամենը երկու հարյուր տարի է խաղաղ եղել: Մնացած ընթացքում երկրներն ու մարդիկ հանում ինչ-որ բանի պատերազմի են... Այս իմաստով 20-րդ դարն անենադաժան էր. երկու համաշխարհային պատերազմ, մի քանի ցեղասպանություններ, հարյուրավոր զինված հակամարտություններ, որոնց հետևանքով զոհվել են ավելի շատ մարդիկ, քան համաշխարհային ողջ պատմության մեջ եղած պատերազմների ընթացքում:

միջակայս հղում է արվում ՄԱԿ-ի Անվտանգության խորհրդի այդ նույն 1325 բանաձևին: Կեհաժողովի փաստաթղթում, ի դեպ, ափսոսանք է հայտնվում, որ այն տարածաշրջաններում, որտեղ կան հակամարտություններ, կանայք շատ հաճախ են անտեսվում ճգնաժամային կառավարման ու խաղաղ բանակցությունների գործընթացներում, մինչդեռ նրանք կարող են նոր լիցք հաղորդել երկխոսության գործընթացներին և միջնորդական ջանքերին:

1325 բանաձևի ընդունումից անցած տարի տարիները բավարար էին, որ «կանայք, խաղաղություն և անվտանգություն» բառակապակցությունը հասցնի բոլորի համար սովորական դառնալ: Սակայն սովորական են, ավաղ, միայն բառերը, իսկ իրականում աշխարհը բավական հեռու է հակամարտությունների կարգավորման կամ կանխարգելման մեջ կանանց իրական ներդրումից: Ավելին, նրանք հնավորություն չունեն ներազդելու քաղաքական որոշումների վրա, այդ թվում՝ պատերազմին ու խաղաղությանը վերաբերող, քանզի կանանց երկայացվածությունը որոշումների կայացման մակարդակում, որպես կանոն, խիստ սահմանափակ է: Թեպետ բոլոր միջազգային հարթակներից համառոտ բարձրաձայնվող խաղաղության մոր բանաձևը ուղղակիորեն շարկապում է գեներալային հավասարությունը ոչ միայն երկրների ու ժողովուրդների տնտեսական բարգավաճման, այլև նրանց անվտանգության հետ:

Թերթում են 2001-ի աշնանը Ծաղկածորում Ադրբեջանի կանանց կազմակերպության հայտնի առաջնորդի հետ իմ գրույցի գրառումները ու չեն հավատում, որ նրանք եկել էին մեզ մոտ, ու մենք միասին փորձում էինք դեպի խաղաղություն տանող արահետներ գտնել: «Մինչև վերջերս, չնայած մեր համալսարանական կրթության ու գիտական կոչումներին՝ մենք նախընտրում էինք միմյանց չբարևել: Սակայն մենք մոտեցել ենք այն սահմանագծին, երբ կարող ենք սկսել խոսել: Հետևում են մնացել արցունքները, վիրավորանքները, փոխադարձ մեղադրանքները, այն ամենը, ինչով սահմանափակվում էին մեր հարաբերությունները: Խոսք չէր կարող լինել այն մասին, որ ես ադրբեջանցի կին, հանկարծ հայտնվեի Հայաստանում անցկացվող կոնֆերանսում: Ի դեպ, դուք էլ հազիվ թե կարողանալիք ենթադրել, որ մենք ձեզ կիրավիրենք Բաքու, և դուք կզարթոնեք, ինչպես տեսնում եք, մեր կյանքում ամեն ինչ հնարավոր դարձավ...»

Ամենևին էլ պատահական չէր, որ նոր դարաշրջանի սկզբում ՄԱԿ-ում ծագեց խաղաղության մշակույթի գաղափարը և դրա հետ մեկտեղ հույսը, որ կանանց ակտիվ մասնակցությունը հակամարտությունների կանխման և կարգավորման գործընթացներում կարող է խաղաղության հասնելու ու պահպանելու յուրօրինակ երաշխիք լինել: Չէ որ կանայք արարելու իրենց բնական առաքելության շնորհիվ կանայք կարող են ավելի նպատակասլաց և արդյունավետ, քան տղամարդիկ, հարթել սուր անկյունները և պաշտպանել իրենց զավակների խաղաղության ու անվտանգության իրավունքը: Այս մտտեցումն իր արտացոլումը գտավ 2000 թ. ՄԱԿ-ի Անվտանգության խորհրդի ընդունած թիվ 1325 բանաձևում, որը պարտավորեցնում էր պետություններին ավելի ակտիվորեն ներգրավել կանանց հակամարտությունների կանխման ու լուծման, խաղաղարար բոլոր գործընթացներում: Ավելի ուշ երևան եկան այս գաղափարը զարգացնող ՄԱԿ-ի ու եվրոպական այլ փաստաթղթեր: Օրինակ՝ Եսխսվ վերջին բանաձևերից մեկում՝ «Եվրոպայում չլուծված հակամարտությունների կարգավորման և կանխարգելման գործում կանանց ներգրավվածության մասին», որ քննարկվեց ու ընդունվեց բոլորովին վերջերս՝ խորհրդածովրդի պարենային նստաշրջանում, ան-

Սինչդեռ նոր դարը շարունակում է ցավալի ապացույցներ ներկայացնել, որ կանայք երեխաների ու ծերերի հետ մեկտեղ, հակամարտություններից առավել տուժողների շարքերում են, իսկ սեռական բռնությունը նույնիսկ ժամանակակից աշխարհում մնում է պատերազմ վարելու գործիք ու էթնիկ բախումների անբաժանելի մասը: Բավական է հիշատակել միայն Կոնգոյի, Դրոզդատանի վերջին դեպքերը...

Կանայք հեռու են մնում նաև բանակցությունների սեղաններից, որտեղ ընդունվում են հակամարտությունների լուծման համար բախտորոշ որոշումներ: Բացառություն չէ նաև դարաբարության կարգավորման գործընթացը, որի շրջանառում տարվող խաղաղ բանակցությունները դեռևս ընթանում են խիստ նեղ ձևաչափով, առաջին դեմքերի մակարդակով: Մտնում է հուսալ, որ դրանք հաջողությամբ կպսակվեն ու հաջորդ փուլերում, ի թիվս այլ փորձագետների ու պաշտոնատար անձանց, գործընթացում կընդգրկվեն նաև կանայք: Իսկ առայժմ նույնիսկ Միմսկի խմբի համահարգազանների մեջ կին չկա. հավանաբար, այնտեղ էլ կարծում են, որ կովկասյի տղամարդկանց հաշտեցնելը կանանց գործը չէ:

Ավաղ, այսօր այդ ամենը նորից անհնար է դարձել: Եվ չնայած այն ժամանակ էլ մեզմիջ ոչ ոք չէր փափագնում մեր հանդիպումների նշանակությունը, սակայն այն փաստը, որ կանայք կարողանում էին և ուզում էին միմյանց հետ խոսել, արդեն իսկ հույս էր ներշնչում: «Եկեք ինքներս մեզ չխաբենք: Ցավոք, հասարակական կազմակերպությունները որոշելու իրավունքով օժտված չեն, նրանք կարող են միայն արտահայտել իրենց կարծիքը: Սակայն դա մոլորաբան կարևոր է որովհետև իշխանությունները համենայն դեպս կհամանան, թե ինչ է մտածում ժողովուրդը, ինչ են մտածում կանայք: Ու ընդհանրապես, ո՞ր խելամիտ կինը կասի, թե պատերազմ է ուզում»,- վերհիշելով այսօր իմ գրույցակից կնոջ այս խոսքերը՝ ես, չգիտես ինչու, հավատած եմ, որ նա հիմա էլ է մտածում նույն կերպ, ինչպես այն ժամանակ...

Թամարա Հովնաթանյան

Պատերազմի դեմքը

Թվում է՝ պատերազմում կանանց մասին այնքան զգրքեր են գրվել, այնքան ֆիլմեր նկարահանվել, որ ամեն ինչ արդեն ասվել է: Սակայն, ըստ էության, հետազոտողներն ու լրագրողներն այս թեմային ձեռնամուխ եղան մեծ ուշացումով: Այսօր քչերը գիտեն, թե Չայրենականից հետո մի շրջան կար, երբ պատերազմն անցած կանայք թաքցնում էին իրենց մարտական պարգևները և աշխատում էին չխոսել այն մասին, որ կռվել են, քանի որ դա համախառնաբարում էր անձնական կյանքին... Պետությունն էլ կին վետերաններին կարծես չէր նկատում: Պատերազմին մասնակցած կանանց դաժան ճակատագրերի մասին լիարժեք խոսվեց միայն 60-ականներին, և այս առումով բեկումնային դարձավ Բորիս Վասիլիի «Իսկ արշավյալներն այստեղ խաղաղ են» հայտնի վիպակը...

«Կինը և պատերազմը» թեման մի առանձնահատկություն ունի. այն ձգում է իր մանրամասներով: «Երբ կանայք խոսում են պատերազմի մասին, նրանց պատմությունները չունեն կամ գրեթե չունեն այն, ինչի մասին մենք սովորեցինք կարդալ կամ լսել. թե ինչպես են մարդիկ հերոսաբար հաղթում կամ պարտվում, ինչ տեսիլներ են եղել, ինչ գեներալներ: Կանանց պատմություններն ուրիշ են... «Կնոջ» պատերազմն իր գույներն ու-

նի, իր բույրը, իր մեկնաբանությունը և զգացմունքների իր տարածքը: Իր բաները...»... Սա Սվետլանա Ալեքսիևիչի «Պատերազմի ոչ կանացի դեմքը» գրքի առաջաբանից է, որտեղ հեղինակը փորձում է բացատրել՝ ինչու՞ հանկարծ որոշեց պատմել մեկ այլ, պատերազմի կանանց պատմությունը... Գիրքը հրատարակվեց 1985-ին: Ու հազիվ թե այն ժամանակ ինչ-որ մեկի մտքով անցներ, որ ընդամենը մի քանի տարի անց մեկ այլ սերունդ ևս կհայտնվի կրակի առաջին գծում, և մենք կտեսնենք մեկ այլ՝ Արցախյան պատերազմի «ոչ կանացի դեմքը»... Կհամակվենք մայրերի, կանանց ու երեխաների ցավով ու արցունքներով, կցնցվենք Սուճալիի, Բաբլի, Մարաղայի փախստականների դժմի պատմություններից, կխոնարհվենք իրենց տունն ու երեխաներին զենքով պաշտպանած կանանց սիրահանի առջև, ամուսն առ ամուսն կհիշենք ուրիշ կյանք հերոսաբար փրկող բժիշկներին ու բուժքույրերին... Եթե պատերազմի մասին կանանց հիշողությունների մեջ անտեսենք տեղի ու ժամանակի վկայակոչումները, ապա տարբերությունները կտարրալուծվեն, կմնան սուկ «ցավի և հիշողության այրված կիլոմետրերը», իսկ հարցը ե՞րբ է դա եղել 40-ականների՞ն, թե՞ կես դար անց 90-ականներին երկրորդ պլան կմղվի... Գլխավորը, որ դա նորից չկրկնվի...



«Չէի կարող այդ օրհասական պահին հանդիսատեսի դերում լինել»

Ռոզալիա Աբգարյանը այն 10 հազար հայուհիներից մեկն էր, որ 1941-ին մեկնեց ռազմաճակատ: Չայրենի ինչու՞ զնացիք պատերազմ, նույն տասնութամյա աղջկա վճռականությամբ, պատասխանում է. «Չէի կարող այդ օրհասական պահին հանդիսատեսի դերում լինել»:

«...1941-ի հունիսին դեռ նոր էի դպրոցն ավարտել և պատրաստվում էի վայելել ավարտական հանդես, երբ պատերազմի մասին լուրը ցնցեց բոլորին և մեկընդմիջտ ու անդառնալիորեն փոխեց կյանքս: Ժամեր անց հավաքվեցինք դպրոցի բակում և առանց վարանելու, որպես կամավորներ՝ ներկայացանք զինկոմիսարիատ: Սկզբում ինձ ընդգրկեցին ռազմական գործողների դասընթացներին, իսկ 41-ի նոյեմբերին մեկնեցի ռազմաճակատ», - պատմում է Երկրորդ համաշխարհային պատերազմի վետերան, ավագ սերժանտ Ռոզալիա Աբգարյանը:

«...Կամավորական ջոկատներով լի մեր գնացքը դեռևս ճանապարհի կեսին ռմբակոծեցին գերմանական ինքնաթիռները, բազմաթիվ զոհեր տվեցինք, ինքս էլ զվիսից ծանր վիրավորվեցի և ուղարկվեցի Կորոշիլովգրադ բուժման: Այս բաղաբի հետ շատ հիշողություններ են կապված, կարելի է ասել՝ մարտական ուրիշ սկսել են այստեղից ընդգրկվելով 88-րդ կապի առանձին զնդուն»:

«...Երբ անզիջում պայքարում ես հայրենիքիդ ազատության համար՝ անտեսելով այն փաստը, որ ամեն նոր օրը կարող է վերջինը լինել քո կյանքում և անցնում պատերազմական ողջ թոհուրեհի միջով և ակամատեսն ես լինում բաղձալի հաղթանակի ցնծությանը, հասկանում ես, որ ջանքերդ ու մարդկային հազարավոր զոհերն ապարդյուն չէին», - հուզված ծայրով, արցունքներն աչքերիցն առ մեկ առ մեկ վերհիշում և ամենայն մանրամասնությամբ վերաբարձրում է Դոն գետի ափին, Լեհաստանում, Գոնգարիայում, Նովոռոսիյսկի մատուցներում և Չեխոսլովակիայում տեղի ունեցած կատաղի մարտերը ու իր զոհված մարտական ընկերներին:

Պատերազմից մնացած բացառիկ դրական իրադարձություններից էր ապագա ամուսնու հետ հանդիպումը ռազմաճակատում: Չորացրվելուց հետո վերադարձել է Գայաստան, ամուսնացել ռազմաճակատում հանդիպած երիտասարդի հետ, այնուհետև մանկավարժական ինստիտուտում ռուսաց լեզվի և ռուս գրականության մանկավարժի կրթություն ստացել և կյանքի 56 տարիները նվիրել մանկավարժի նվիրական գործին: Ռոզալիա Աբգարյանը երկու տաղանդալի որդիների մայր և հոգատար տատիկ է: Ռոզիներից կրտսերը ճանաչված օդաչու է, մյուսն էլ քիմիական գիտությունների թեկնածու: Արմինե Գովհաննիսյան

...Ու զույգ են այնպիսի մի գիրք գրել պատերազմի մասին, որ պատերազմից սիրտը խառնի, իսկ միայն դրա մասին միտքը զգվելի լինի: Ահավոր: Նույնիսկ գեներալները սրտխառնուք զգան... Իմ տղամարդ ընկերները (ի տարբերություն ընկերուհիներիս) շշմած են «կնոջ» նման տրամաբանությունից: Ու ես նորից լսում եմ «տղամարդու» փաստարկ. «Դու չես եղել կռվում»: Իսկ զույգն դա լավ է. ինձ ծանոթ չէ ատելության մոլուցքը, ես սովորական տեսողություն ունեմ: «Ոչ պատերազմական» տեսողություն»...

...Ինչի մասին էլ կանայք խոսեն, նրանց մեջ շարունակ մի միտք է... պատերազմը «նայի և առաջ սպանությունն է, իսկ հետո ծանր աշխատանք: Իսկ հետո «ու պարզապես սովորական կյանք. երգում էին, սիրահարվում... կենտրոնում միշտ այն է, որ անտանելի չես ուզում մեռնել: Իսկ էլ ավելի անտանելի է՝ որ չես ուզում սպանել, քանի որ կիրք կյանքն է տալիս: Պարզապես է: Երկար պահում է իր մեջ, փայլալույս: Ես հասկացա, որ կանանց համար ավելի դժվար է սպանել...»

«Մենք՝ տղամարդիկ, մեղքի զգացում ունենինք, որ աղջիկները կռվում են, ու այն իմ մեջ մնացել է... Ահա մի դեպք: Մենք նահանջում ենք: Աշուն է, օրերով անձրև է գալիս: Ծանփեզրին ընկած է մի սպանված աղջիկ... Սանհրահանգիչը... Դա մի գեղեցիկ աղջիկ էր, երկար ծամերով, ու այն լրիվ ցեխի մեջ է... Ու այնքան անբնական է այս մահն ու այն, որ այս կինն այստեղ է, մեզ հետ, այս սարսափի, ցեխի, քաոսի մեջ: Ես շատ մահեր են տեսել, բայց հիշում եմ սա...»

«Արժի՞ արդյոք այս մասին այսօր հիշել: Երբ լսեցի, որ մեր բուժքույրերը, շրջապատման մեջ ընկնելով, վիրավոր մարտիկներին պաշտպանելիս կրակում էին, քանի որ վիրավորները մանկան պես անօգնական էին, ես դա հասկանում էի, բայց երբ երկու կին սողում են ինչ-որ մեկին դիպուկահարով սպանելու, սա այնուամենայնիվ «որս» է... Ես դրա նմանի հետ զույգ «ռազմեղիկ» զնայի, բայց հետը չէի ամուսնանա... Պատերազմը տղամարդու գործ է»:

...Մի քանի անգամ ստանում էի խմբագրին ընթերցելու համար ուղարկված տեքստը՝ գրույթամբ՝ «Մանրուքների մասին չարժի... Գրիր մեր մեծ հաղթանակի մասին...» Իսկ ինձ համար ամենազվապակող «մանրուքներն» են՝ շիլայի ու ապուրի տաք կաթ սուրճը, որոնք ոչ ոք չի ուտելու, քանի որ մարտից հետո հարյուր մարդուց վերադարձել են ընդամենը յոթը. կամ այն, թե ինչպես պատերազմից հետո չէին կարողանում շուկա գնալ ու նայել մսի կարմիր շարքերին... Նույնիսկ կարմիր չբին... «Այս, սիրելիս, արդեն քառասուն տարի է անցել, իսկ մեր տա-

նը դու կարմիր ոչ մի բան չես գտնի: Պատերազմից հետո ես ատում եմ կարմիրը»:

«Ես մինչև Բեռլին բանակի հետ հասա... Վերադարձա մեր գյուղ երկու Բառքի շքանշաններով ու մեդալներով: Արեթե երեք օր, իսկ չորրորդ օրը մայրս ինձ հանում է անկողնուց ու ասում. «Աղջիկս, ես քեզ համար մի փոքրիկ կապոց եմ պատրաստել: Գնա... Դու դեռ երկու փոքրիկ քույրեր ունես: Ո՞վ նրանց հետ կամուսնանա: Բոլորը գիտեն, որ դու չորս տարի եղել ես ռազմաճակատում, տղամարդկանց հետ»... Բայց հոգուս ձեռք մի տվեք: Ավելի լավ է՝ գրեք մյուսների նման իմ պարգևների մասին...»

«Ես գնդացրորդ էի: Այնքան մարդ են սպանել... Պատերազմից հետո երկար ժամանակ վախենում էի ծննդաբերելուց: Երեխա ունեցա, երբ հանգստացա: Յոթ տարի անց... Սակայն մինչև հիմա ոչինչ չեն մերել: Ու չեն մերի: Ինձ թվում է՝ ես երկու կյանք եմ ապրել. մեկը՝ տղամարդու, մյուսը՝ կնոջ...»

«Ես չեմ սիրում խաղալիք գեներ, մանկական խաղալիք գեներ: Տանկեր, ինքնաձիգներ... Ո՞վ է դրանք հորինել: Դո՛ղիս տակնուկով են անում... Ես երբեք չեմ գնել ու չեմ նվիրել երեխաներին այդպիսի խաղալիքներ: Ոչ ինձ երեխաներին, ոչ ուրիշներին: Մի անգամ մեկը տուն ռազմական օդանավ բերեց և պլաստմասայե ինքնաձիգ: Իսկույն աղբամանի մեջ նետեցի... Ամհապաղ: Քանի որ մարդկային կյանքը այնպիսի պարզ է... Մեծագույն պարզ: Ինքը՝ մարդն այդ պարզի տերը չէ...»

«Չի կարող լինել մի սիրտ ատելության համար, իսկ երկրորդը՝ սիրո: Մարդը մեկ սիրտ ունի, ու ես միշտ մտածել եմ այն մասին. ինչպե՞ս փրկել իմ սիրտը»:

«Ասում են՝ գեները՝ ինքնաձիգը, ատրճանակը, գեղեցիկ է, դրա մեջ բավական շատ մարդկային միտք կա, կիրք, իսկ ինձ համար այն երբեք գեղեցիկ չի եղել: Ես տեսել եմ, թե տղամարդիկ ի՞նչ հիացմունքով են նայում լավ ատրճանակին, սա ինձ համար անհասկանալի է: Ես կին եմ»:

«Չիշում եմ շատ էի վախենում, որ եթե ինձ սպանեն, գեղեցիկ տեսք չեմ ունենա: Թաքնվում ես գնդակոծությունից և ոչ այնքան մտածում, որ քեզ չսպանի, այլ թաքցնում ես դեմքը, որպեսզի չայլանակվես: Ռազմաճակատում ոչինչ կնոջ այնքան չէր սարսափեցնում, որքան խեղճանդամ դառնալու հնարավորությունը...»

Ս.Ալեքսիևիչի «Պատերազմի ոչ կանացի դեմքը» գրքից

Մարտի դաշտում

Արդեն Ք.ա. 4-րդ դարում Աթենքում և Սպարտայում հունական զորքերում կռվում էին կանայք: Ավելի ուշ նրանք մասնակցեցին Ալեքսանդր Մակեդոնացու արշավանքներին: Առաջին համաշխարհային պատերազմի ընթացքում կանանց արդեն վերցնում էին թագավորական ռազմաօդային ուժեր, ձևավորվեց թագավորական օժանդակ կորպուս և ավտոտրանսպորտի կանանց լեգեոնը՝ մոտ 100 հազար մարդով: Ռուսաստանում, Գերմանիայում, Ֆրանսիայում բազմաթիվ կանայք նույնպես սկսեցին ծառայել զինվորական հոսպիտալներում ու սանիտարական գնացքներում: 1917-ին ժամանակավոր կառավարության օրոք Ռուսաստանում ձևավորվեցին կանանց զուամրտակներ: Երկրորդ համաշխարհային պատերազմի



ժամանակ կանայք ծառայում էին շատ երկրներում. անգլիական բանակում՝ 225 հազար, ամերիկյանում՝ 450-500 հազար, գերմանականում՝ 500 հազար: Խորհրդային բանակում մարտնչում էին շուրջ 1 միլիոն կանայք, այդ թվում՝ 10 հազար հայուհիներ:

Պատմիչները վկայում են, որ հայոց պատմության ողջ ընթացքում հայուհիները որպես կամավորներ մասնակցել են ազգային-ազատագրական կռիվներին: Դա կնոջ խիզախության խորհրդանշանն է Սոսե Մայրիկի անունը: Արցախյան պատերազմին մասնակցել են շուրջ 600 կանայք, որոնցից 18-ը զոհվել են մարտի ժամանակ, 87-ը՝ դարձել հաշմանդամ:

Շնորհակալություն ենք հայտնում «Ամմար կրակներ» ռազմահայրենասիրական բարեգործական կազմակերպության նախագահ Ալլա Բարխուդարյանին՝ ֆոտոարխիվի նկարները տրամադրելու համար:

Պատերազմի դեմը

«Ռազմի դաշտում բոլորը հավասար են»...

Երբ ասում են՝ պատերազմը կնոջ գործն է, տիկին Քնուշը ներանում է ու կրկնում իր հերոս դատեր՝ Ռուզաննա Եսայանի խոսքերը...

շարունակելու: «1988-ին ոգևորված վերադարձավ Հայաստան, մասնակցում էր բոլոր հանրահավաքներին, երթերին: Մի տեսակ վախճանում էի, մեջս անհամաձայնություն կար, բայց թաքուն հայարտանում էի նրանով»,- հիշում է մայրը:

Պատերազմի տարիներին Ռուզաննան աշխատում էր հիվանդանոցում: Առաջին անգամ Ղարաբաղ գնաց ծնողներից թաքուն: Ձենք-զինամթերք էին տանում, վիրավոր տղաներին, զոհվածներին բերում էր: «Երբ իմացանք, որ մեկնել է Ղարաբաղ, բարկացանք ու արգելեցինք նորից գնալ: Եղբայրներն ասացին, որ իրենք կգնան ու բողոք փոխարեն կկրվեն, բայց Ռուզաննան արգելեց: Այդ սարսափը տեսել էր ու միայն կրկնում էր՝ վերադարձի ճանապարհ չկա»:

Պատերազմի դաշտում Ռուզաննան դարձել էր անփոխարինելի: Կրանում բուժվեց սարքեց, կարող էր կանոն մտցրեց: Տղաների հետ խիստ էր, զինվորները հարգում էին այդ խստությունը, վիրավորների հետ ջերմ էր ու հոգատար: Մարտական ընկերները պատմում էին, որ պատերազմի ժամանակ Ռուզաննան վերափոխվում էր, մի տեսակ ուժ էր ստանում, անվախ առաջ էր գնում իր հետևից տանելով ջոկատը:

1992-ին Ղարաբաղ գնալուց առաջ մորը խոստացավ, որ այլևս չի գնա. «Ասաց՝ վերջին անգամ են գնում, իմ կարիքն ունեն, հետո միշտ հետդ կլինեն: Այս առումով էլ էր ճշտապահ, վերջին անգամ գնաց ու էլ չվերադարձավ»:



1992-ի դեկտեմբերի ամենաթեժ մարտերն էին, հայկական կողմը կորուստներ էր տալիս: Ուղտածոր գյուղի մոտ պաշտպանական կռիվների ժամանակ հայկական կողմի յոթ զինվորներ վիրավորվեցին: Անհրաժեշտ էր նրանց հասցնել հիվանդանոց, սակայն Ուղտածորը Հաղորթին միացնող միակ ճանապարհը թշնամու կրակի տակ էր: Շտապ օգնության մեքենայի վարորդն առաջարկում է առավոտյան գնալ, բայց Ռուզաննան առարկում է. մինչև առավոտ չեն դիմանա: «Մահվան ճանապարհ» անունը վատաբանակալով այդ արահետին թշնամու արկից պայթեց նաև շտապ օգնության մեքենան... «Մահվան ճանապարհով» նրանք գնացին անմահությանը:

Այսօր տիկին Քնուշը իր ողջ սերը նվիրում է թոռնուհուն՝ Ռուզաննային:

Աշխարհի բանակներում

ՆԱՏՕ-ի երկրներում, դաշինքի բանակներում զինծառայողների թիվը վերջին հինգ տարում ավելացել է 10 անգամ և ներկայումս հասել ավելի քան 300 հազար մարդու:

ԱՄՆ-ում բանակի և նավատորմի շուրջ 20%-ը կանայք են: Ավելի քան 11,2 հազար ամերիկացի զինծառայող կանայք մասնակցել են ՆԱՏՕ-ի խաղաղարար առաքելություններին, 37 հազարը՝ 1991 թ. «Փոթորիկ անապատում» գործողությանը: Ամերիկացի կանայք ծառայության ոչ մի սահմանափակում չունեն. նրանք ծառայում են նավերում, ծովային հետևակազորում, սակայն սուզանավերը մինչև վերջին ժամանակներս մնում էին բացառապես «տղամարդկանց թագավորություն»: Այս տարի արգելվել էր հանվել, և 2011 թ.-ից ամերիկյան սուզանավերում կծառայեն կին սպաներ: ԱՄՆ-ն ամենահին է առաջին երկիրը չէ, որը կանանց թույլ է տալիս ծառայել սուզանավերում: Այս գործելաձևն արդեն գոյություն ունի Ավստրալիայում, Կանադայում, Նորվեգիայում, Իսպանիայում և Եվրոպայում:

Ֆրանսիայում բանակի կանանց զորախումբը կազմում է մոտ 15%: Դա մոտավորապես ուսադիրներով 23 հազար կանայք են շարքայինից մինչև գնդապետ, փաստորեն բոլոր գործերում, բացի արտասահմանյան լեգեոնից, ծովային հետևակազորից և սուզանավերի անձնակազմից: 1995-ից նրանց թույլատրվել է վարել ամեն կարգի օդանավեր, այդ թվում նաև՝ մարտական: Այսօր կանայք կազմում են օդաչուների անձնակազմի 1,5%-ը: «Ֆիզարո» թերթի անցկացրած հետազոտության արդյունքներով կանանց զինվորական ծառայության մեջ հրապուրում են ռոմանտիկան, մշտական, լավ վարձատրվող աշխատանք ունենալու ձգտումը, ընտանեկան կյանքի համար ընկեր գտնելու հնարավորությունը, ինչպես նաև ձգտումը՝ ապացուցելու, որ կանայք ի գործում են զուլիս հանել «տղամարդկանց» խնդիրներին:

Բանակում ծառայող կանանց թիվն ամենամեծն է Իսրայելում: 18 տարին լրացած մինչև 24 տարեկան բնիկ իսրայելցի կանայք պարտադիր զորակոչվում են բանակ: Նրանք ծառայությունն անցնում են առանձին զորամասերում, որոնք միավորվում են հատուկ կանանց կորպուսում: Դրա թիվը կազմում է 36 հազար մարդ, և մարտական պայմաններում կանանց ստորաբաժանումները չպետք է գտնվեն հակառակորդի հետ անմիջական շփման մեջ:

Իսպանիայի զինված ուժերում կանայք կազմում են անձնակազմի մոտ 20%-ը, ընդ որում, նրանք ծառայում են ոչ միայն բժշկական հաստատություններում կամ շտաբներում, այլև առանց բացառության բոլոր պաշտոններում, ներառյալ հրաձգային և օդադեսանտային ստորաբաժանումներին, ծովային հետևակազորի մարտիկներ, հրետանային անձնակազմի, գրասենյակային վարորդներ, տանկիստներ և այլն:

Հայկական բանակի տարբեր զորատեսակներում ներկայումս ծառայում են շուրջ 1500 կանայք, նրանց մեծ մասն ընդգրկված է պաշտպանության նախարարության կենտրոնական ապարատում և բուժօժանդության ոլորտում:

Բանակում ծառայությունը քաղաքացիական պարտքի հատուցման բարձրագույն խորհրդանշան է, ու բանի դեռ կանայք և տղամարդիկ հավասար չեն այդ սրբազան պարտքի առաջ, անհնար է խոսել նրանց իրական հավասարության մասին:

Դավիթ Բեն Գուրիոն

Ղարաբաղի ժամանա դ՛Արկը



Ժամանա Գալստյան, ղարաբաղյան բանակի գնդապետ, պատերազմից հետո եղել է ԼՂՀ նախագահի խորհրդական, 2000 թվականից՝ ԼՂՀ խորհրդարանի պատգամավոր, 2007 թվականից՝ ղեկավարում է խորհրդարանի պաշտպանության, անվտանգության և ներքին գործերի մշտական հանձնաժողովը:

...Ուշքի գալով ջարդերի մասին լուրից հետո ժամանակ որոշեց ընդմիջտ թողնել թատրոնը: Հինգ դրա ժամանակը չէ: Ռ՝ն են պետք «բեմի լույսերը» այն ժամանակ, երբ Սոււմ-գայիթի բակերում կենդանի ջահերի պես այրվում են լրիվ անմեղ մարդիկ: Ստեփանակերտի կենտրոնական հրապարակը դարձավ ինքնաբերական հանրահավաքների հավաքատեղի: Հռետորները շատ էին. խորհրդային իշխանության տարիներին շատ բան էր կրտակվել... Դերասանական կանխագագացումը ժամանային հուշում էր. ոչ մի հիստերիա, նգովք ու չարություն: Այլապես ժողովրդի վաղուց ի վեր փայփայած երազանքը ազատությունը, հարբած բանվորի մի կերպ հարմարեցրած բեմական դեկորացիայի պես փուլ կգա... Արժանապատվություն. նա այդ մասին ավելի ու ավելի հաճախ էր մտածում ահա դեպի ազատություն տանող իսկական ճանապարհը: «Երբ նրանք, ովքեր լեռան մյուս կողմում սպանում էին ու բռնանում, մի՞թե նրանց արդարություն էր մղում,- ասում էր ժամանակ բարեկամներին: - Պետք է նրանց հավասարվել: Նույնիսկ մտքում...»:

...Նրան լսում էին հիացած: Մյուս հռետորների շուրթերից բազմիցս կրկնված բառը «Միացում», ժամանայի շուրթերում օվաճաղներ էր առաջացնում: Ու մի բան էլ. նա երբեք չէր օգտվում բարձրախոսից: Խոսում էր սովորական ձայնով, իսկ լսում էին բոլորը: Ականատեսները հիշում են, որ հրապարակում ժամանայի հայտնվելը մարդկանց վրա մոզակապ ազդեցություն էր ունենում, նրանց աչքերում հայտնվում էր ուրախ վճռականություն, բոլորը ժպտում էին իրար ու ասես շտկում ուսերը. ու այդ տրամադրվածությունը, այս վերելքը ստիպում էին հավատալ իրենց գաղափարների լրջությանը ու անխուսափելիությանը: ...«Ո՛վ էի ռազմաճակատում, զինվոր, իհարկե: Սովորեցի ինքնաձիգին կնոջ զարդապայուսակից ոչ վատ: Քանիսի՞ն է են աշխարհ ուղարկել: Կարծում եմ ահագին: Հատկապես հիշում են այն ճակատամարտը, երբ թշնամու կողմից կրվում էին Շամիլ Բասակի չեչենները: Կատաղի մարտ էր, քիչ էր մնում խլանայի հրաձգությունից: Չեչենները ուժեղ կռվողներ են, ու լեռնային տեղանքը, ինքները եք հասկանում, նրանց համար խոչընդոտ չէր: Բայց միևնույն է, Աստված մեր կողմն էր: Ես, հավանաբար, հարձակման պահին սարսափելի էի, տղամարդու պես հայիոյում էի. ընկերներս հետո ինձ զգուշավորությամբ էին նայում, պատմում էին, որ եղ կրվում տասից ոչ պակաս մարդ են պառկեցրել: Չեմ հաշվել: Ու հետո, երկի չարժի այդ մասին... Այո, եղել են և շարքային զինվոր, ու հանրապետության զինված ուժերի հրամանատարի տեղակալ: «Գնդապետ ժամանա» երբեմն ինձ այսպես էին կոչում: Բայց ամենաշատը երկի թույրիկ: Ու ազդականներն էլ մույնը՝ մեղմ:

Գնդապետ Չեչենցի, «Դեմքեր» հանդեսի հրապարակումից

Իմ սիրելի ողջեր ու մեռածներ, ես կպարմեմ աշխարհին ձեր պարմությունը...

«Իմ միակ զենքը տեսախցիկն է: Նրա հետ են մտել պատերազմ, նրա հետ էլ դուրս կգամ: Այո, 1995-ի մայիսին ինձ տվեցին Ղարաբաղյան պատերազմի գնդապետի վկայական և նվիրեցին «Բերետտա»: Սակայն դա ինձ համար միայն հուշանվեր է, յուրօրինակ էկզոտիկա»:

Յվետանա Պասկալա, բուլղարացի լրագրող

Նա անցավ Ղարաբաղյան պատերազմի ճանապարհներով, որպեսզի պատմի աշխարհին ողջ ճշմարտությունը նրա մասին, իսկ պատերազմից հետո մնաց Հայաստանում ինչպես ինքն է ասում, Ղարաբաղի անկախությանը սպասելու: «Ես Ղարաբաղի իմ բոլոր ողջ ու զոհված ընկերներին խոսք են տվել, որ կմնամ, կտեսնեմ նրա ազատությունն ու անկախությունը ու դրանով կդնեմ իմ խորհրդային վերջին կետը...»



1992-ի ամառ: Թշնամին ընդհուպ մոտեցել է Ասկերանի մատույցներին: Ամեն օր, ամեն ժամ իրար շուրթերից լուրեր ենք պոկում: Ծանր ու օրհասական օրեր են: Պատահաբար քաղաքում աչքիս ընկավ մի հայտարարություն. Արցախի կանանց ջոկատ ստեղծելու համար հավաքագրում են կանայք ու աղջիկներ: Ի՞նչ անեն: Գիտեմ, որ դժվար կլինի համոզել հարազատներին, իսկ չըջապատում ամեն մեկը յուրովի կմեկնաբանի իմ քայլը: Անմիջապես հիշում են եղիչներն՝ Տիկնայք փափկատուրք Հայոց աշխարհի... Անդամագրվեցին 25 հոգի: Սկսվեցին պարամունքները: Բոլորը չէ, որ դիմանում են: 25 հոգուց մնացին 13-ը:

Մարգարիտա Թատնյանի զինվորական օրագրից

Եվրոստանդարտ



Մտուդ դե Բյոր-Բուքիբիո Եվրոպայի խորհրդի Գլխավոր քարտուղարի տեղակալ

Չնայած տղամարդկանց և կանանց միջև հավասարությունը երկար ժամանակ Եվրոպայում քաղաքական գերակայություն է եղել, այնուամենայնիվ առաջընթացը դեռ դանդաղ է: Նույնիսկ եթե կանայք ունեն միևնույն իրավունքները, ինչ տղամարդիկ, նրանց հասանելի չեն այն բոլոր հնարավորությունները, որոնք հասանելի են տղամարդկանց, և հաճախ անհաջողության են մատնվում իրենց իրավունքները պահանջելու կանանց ջանքերը: Որոշ հարցերում, ինչպես, օրինակ՝ աշխատավարձի տարբերության հետ կապված (հաշվարկները ցույց են տալիս, որ այս տարբերությունը հասնում է մինչև 20%), մի շարք երկրներում նույնիսկ հետընթաց է գրանցվել:

Հավասարության մեկ այլ ավելի կարևոր ցուցիչ է կանանց քաղաքական մասնակցության մակարդակը: Կանայք թեև համապատասխանում են սահմանված պահանջներին, բայց նրանց ներկայությունը, մի շարք բացառություններով, շատ աննշան է քաղաքական կյանքում: 2003 թ. Եվրոպայի խորհուրդը առաջարկեց, որ քաղաքական կամ հանրային կյանքում ցանկացած որոշում կայացնող մարմնում կանայք կան տղամարդիկ ներկայացված լինեն ոչ պակաս, քան 40%-ով: Այնուհանդերձ, վերջերս հրապարակված մի գեկույց ցույց է տալիս, որ կին նախարարների թիվը միջինը կազմում է 28,6%, իսկ խորհրդարաններում կանանց ներկայացվածությունը միջինը հաշվով 21,7%-ից ավելի չէ: Որոշակի առաջընթաց է գրանցվել 2005թ.-ից ի վեր, երբ նախարարների միայն 19,9%-ն էին կանայք, բայց իրավիճակը խորհրդարաններում չի փոխվել:

Ամենատարակալ օրենքներն ու կանոնակարգերը բարեփոխվել կամ վերացվել են վերջին տասնամյակներին և դրական

Գենդերային հավասարությունը օրենքով և գործնականում. Ինչպե՞ս կարող ենք լրացնել այս բացը

փոփոխություններ են կատարվել ի շահ կանանց: Սակայն կանայք միշտ չէ, որ ունեն միևնույն հնարավորությունները: Պատճառը կառուցվածքային և հասարակական խնդիրներն են՝ բռնությունը, քաղաքական և տնտեսական կյանքում մարզինակացումը, խտրականությունը աշխատանքի վայրում և մասնագիտական ու անձնական կյանքի համատեղման դժվարությունները:

Իրական գենդերային հավասարությունը չի վերաբերում միայն իրավահավասարության օրենքում, այլև նշանակում է, որ կանայք և տղամարդիկ ունեն հավասար նշանակություն, լիազորություններ, պատասխանատվություն և մասնակցություն հանրային և քաղաքական կյանքում:

Հավասարությունը անպայմանորեն չի նշանակում միևնույն ձևով վերաբերվել մարդկանց, այլ ընդհակառակը: Իրականում տղամարդկանց և կանանց միջև անհավասարության խնդիրն պետք է մոտենալ տարբերակման քաղաքականության միջոցով: Վերջին տարիներին Եվրոպայում ներմուծվել են բազմաթիվ սկզբունքներ, ներառյալ «դրական գործողություններ»-ը, ինչպես օրինակ՝ քվոտաները, կանանց առանձնահատուկ կարիքներին ուղղված ծրագրերը, կանանց կրթությունը և գործառնությունը խթանող ծրագրերը: Դրանք համեստ արդյունքներ են բերում, բայց անհրաժեշտ է գնահատել դրանց ներգործությունը և մշակել նոր ծրագրեր, եթե գոյություն ունեցողները բավարար արդյունավետ չեն:

Մեզ անհրաժեշտ են առանձնահատուկ նպատակներով կոնկրետ գործողություններ, որպեսզի մեծացնենք կանանց մասնակցությունը որոշումներ կայացնող մարմիններում: Կանայք պետք է ֆինանսապես ակնկալ լինեն, և կառավարությունները պետք է երաշխավորեն, որ այս հավասարությունը հարգվի աշխատանքի շուկայում:

Մենք գերկանանց կարիք չունենք, ովքեր կարող են նույնքան ժամանակ տրամադրել աշխատանքին, որքան տղամարդիկ՝ միևնույն ժամանակ հոգ տանելով երեխաների և ընտանիքի մասին: Մենք ունենք հավասարության մշակույթի կարիք, երբ ընտանեկան պարտականությունները կիսվում են տղամարդկանց և կանանց միջև: Գենդերային հավասարության միջոցներ են անհրաժեշտ օգնելու ծնողներին համատեղել մասնագիտական և ընտանեկան պարտականությունները՝ որակյալ ծառայությունների մատուցման և տնային պարտականությունների ու խնամքի հավասար բաշխման միջոցով:

...Կարծես թե գենդերային դերերի հա-

րատումը և մշակութային որոշ գործոններ խոչընդոտում են հետագա առաջընթացը: Փոփոխություն է անհրաժեշտ, մի փոփոխություն, որը հնարավոր է միայն կրթական համակարգի, ընտանիքների, լրատվամիջոցների՝ այս գործին լիակատար մվիրման միջոցով: Քանի դեռ պահպանվում են գենդերային կարծրատիպերը, խտրականությունը հարատևելու է, քանզի այսօր այդ կարծրատիպերը և ոչ թե օրենքներն ու կանոնակարգերն են խոչընդոտում կանանց առաջխաղացումը:

Տնտեսական և սոցիալական ներկա ճգնաժամի պայմաններում գենդերային հավասարության հարցերի նկատմամբ ուշադրության նվազման վտանգ կա: Դա սխալ կլինի: Գենդերային հավասարության սկզբունքները պետք է համարվեն ոչ թե ծախս, այլ ներդրում: Դրանք կարող են եական նպաստ բերել հասարակությանը՝ հնարավոր դարձնելով նրա բոլոր անդամներին ինչպես տղամարդկանց, այնպես էլ կանանց հմտությունների, կարողությունների և ստեղծագործական ներուժի լրիվ օգտագործումը:

Խտրականության դեմ պայքարը երկար ճանապարհ է, բայց մենք պետք է կրճատենք հեռավորությունը: Վերջերս Բարոս Երանյան փոխտեղապետությունը դառնալով առաջին սևամորթ ամերիկացին, որը ԱՄՆ նախագահ ընտրվեց: Մի օր կլինի ԱՄՆ կին նախագահ, և սա կլինի կարևոր ուղեմիջ: Եվրոպայում փոքրաթիվ կանայք առդեն ընտրվել են պետության կամ կառավարության ղեկավարների պաշտոնում:

Միայն մեկ անգամ է Եվրոպայի խորհրդի Գլխավոր քարտուղարի պաշտոնում կին ընտրվել: Ես առաջին կինն էի, որ ընտրվեցի Գլխավոր քարտուղարի տեղակալի պաշտոնում: Այն, ինչ քվում է անձնական մակարդակի ձեռքբերում, կարող է համարվել համակարգի ծախսողունը: Ապագայում, երբ սենսացիոն նորություն չի լինի որևէ կնոջ ընտրվելը կամ նշանակվելը կարևոր պաշտոնում, կամ երբ կինը հասնի ինչ-որ նպատակի, որին տասնյակ տարիներով կամ նույնիսկ դարերով չեն հասել տղամարդիկ, կանանց և տղամարդկանց միջև հավասարությունն ավելի մոտ կլինի իրականությանը:

Տղամարդկանց և կանանց միջև հավասարությունն օրենքում և գործնականում մարդու իրավունքների և ժողովրդավարության անբաժանելի մի մասն է: Մենք չենք կարող թույլ տալ, որ հարատևի անհավասարությունը, քանի որ առանց հավասարության ժողովրդավարությունն ավարտուն չէ: Մայիս 2010 թ.

Իշխանության դեկին

Տիկին պաշտպանության նախարար

Տարեցտարի ոչ միայն աշխարհի բանակներում, այլև պաշտպանության նախարարի պաշտոնում ավելի են շատանում կանայք: Էլ չենք ասում, որ պետությունների շատ ղեկավարներ օժտված են գլխավոր հրամանատարի իրավասություններով: Այսպես, ԳԳՀ կանցլեր Անգելա Մերկելը, որը դասվում է աշխարհի ամենաազդեցիկ կանանց շարքը, պատերազմի շրջանում ստանում է բունգեներալի հրամանատար լինելու իրավունքը:



Կին Քեմփերելը 90-ականների այն հազվագյուտ կանանցից է, ով զբաղեցնում էր Կանադայի պաշտպանության նախարարի, իսկ ավելի ուշ՝ երկրի վարչապետի պաշտոնը: «Երբ առաջին անգամ եկա ԱՄՆ-ՏՕ, այնտեղ էին ԱՄՆ-ի ամրան երկրների ու Վարչավարչի պայմանագրի նախկին երկրների պաշտպանության նախարարներ: Պավել Գրաչովի հետ հանդիպման ժամանակ նա խիստ ընդգծված բարեկիր էր, սակայն ավարտից հետո ես շրջվեցի ու նկատեցի նրա հայացքը, որ կարծես ասում էր. «Աստված իմ, սա ի՞նչ բան էր»:

Այսօր կարելի է նշել ամուլվազն տասնյակ երկիր, որտեղ կանայք ղեկավարում կամ գլխավորել են պաշտպանական գերատեսչությունը՝ Ֆրանսիա, Ճապոնիա, Չեխիա, Լատվիա, Լիտվա, Էկվադոր, Արգենտինա, Չիլի, Ուրուգվայ, Իսպանիա...

Երկի թե Իսպանիան զարմացրեց ասավել շատ: 37-ամյա Կարմե Զակոնը դարձավ աշխարհում առաջին պաշտպանության նախարար, որը պաշտոնավարելիս երեխա ունեցավ: 2010 թ. ապրիլին նրան Իսպանիայի ռազմական գերատեսչության ղեկավար նշանակելու աշխույժ մեկնաբանությունների տեղիք տվեց: Ու ոչ միայն այն պատճառով, որ լինելով հղիության վերջին ամիսներում, պաշտպանության նախարարն ընդունում է շեքթներ, տեսչական այցելություններ կատարում Աֆղանստան, Լիբանան ու նախկին Զարավալվալիա, որտեղ տեղակայված են իսպանացի խաղաղարարներ: Ի վերջո, հղի կանայք, ովքեր շարունակում են բուն քաղաքական գործունեությունն օժտված, արդեն հազվադեպ չեն նաև Հայաստանում, օրինակ՝ պատգամավոր Զարուհի Փոստամյանը: Հետաքրքիր է մեկ ուրիշ բան, որ պաշտպանության նախարար դարձավ հանդգնվածներով պացիֆիստ մի կին: Հարկ է նաև հաշվի առնել, որ դա տեղի ունեցավ մի երկրում, որտեղ Եվրոպայի ամենապահպանողական բանակներից մեկը դեռ 1981-ին փորձեց ֆաշիստական խռովություն բարձրացնել:

Մինչև պաշտպանության նախարարի պաշտոնում նշանակվելը Զակոնը (նա ծնունդով Կատալոնիայից է, որտեղ էլ ստացել է իրավաբանական կրթություն) եղել է պատգամավոր, բնակարանային շինարարության նախարար: Իսպանացի պահպանողականներն իհարկե զայրացան, բայց, ի վերջո, համակերպվեցին վարչապետ Ռոդրիգես Սապատերոյի հեղափոխական նշանակմանը, որի կարիքներում 17 նախարարներից 9-ը կանայք են: Իսկ բանակն ու գեներալական կազմը դժգոհություն չցուցադրեցին: Փոխարենը մասնաշրջ ոչ մի կերպ չէր հանդարտվում. «Պատկերացրո՞ւմ եք, ռազմական զորավարություններ են, նախարարը պետք է մասնակցի, իսկ նրա երեխայի կերակրելու ժամն է»: Իսկ Կարմե Զակոնը, ի պատասխան մեղադրանքների, որ թե՛ կետեր իր գործողություններով նա ռիսկի է ենթարկում երեխայի կյանքը, պատասխանում է. «Կարող եք դա համարել խտրականության դեմ պայքարի խորհրդանշան, որին Իսպանիայում աշխատանքի վայրում բազում հղի կանայք են ենթարկվում»: Բացի այդ, Զակոնի խոսքով այցելությունների մասին որոշումն ինքն ընդունել է բժշկի հետ խորհրդակցելուց հետո, որն ուղեկցում է նրան այցերի ընթացքում: Ի դեպ, ծննդաբերությունը վաղաժամ էր, սակայն փոքրիկը, որին կոչեցին Միգել, լույս աշխարհի եկավ առողջ գրեթե 3 կգ քաշով:

Կարմե Զակոնին քաղաքական գործունեությանը ճանաչող մարդկանց վկայությամբ նրա ամենաբերող գիծն «ընդգծված ինքնակարգապահությունն է»: Այն օգնում է նախարարին շփվելու սպանների և գեներալների հետ և ղեկավարել նրանց: Որոշ փորձագետներ նրան համարում են երկրի վարչապետի ամենահավանական հաջորդ թեկնածուին:

Global Fund for Women logo and text: Հավելվածը հրատարակվում է Կանանց համար գլոբալ հիմնադրամի աջակցությամբ. Խմբագիր՝ Թամարա Գլոբալայն, Զևակորունը՝ Կատի Գլոբալայն

Իրական պատմություններ

«Երազում եմ, որ մարդիկ կարդան իմ բանաստեղծությունները և իմանան...»



Հասմիկ Սինանյանի ոտանավորներից.

Մորս հիշեցի, սիրտս ճնկվեց, Հիշում եմ՝ ինչպես ինձ դպրոց ճանփեց, Հիշում եմ՝ ինչպես բոլորից թաքուն Արտասվում էր նա մի ողջ իրիկուն, Հիշում եմ՝ ինչպես նա ինձ համբուրեց... Եվ իր մայրական խորհուրդը տվեց. Գնա, իմ բալիկ, խելացի դարձիր, Մեր տան օջախը դու անմար պահիր: Սիրտս այրվում է, մայր, քո կարոտից, Հոգիս կարոտ է, մայր, քո խորհրդին, Իմ աչքերը քաջ են մեր տան կարոտից, Մայր իմ անգին, քեզ շատ եմ սիրում, Իմ ու քո սերը անձայր է թվում, Էլ չենք բաժանվի մենք ոչ մի դեպքում, Թեկուզ դու լինես աշխարհի ծայրում, Թեկուզ ես լինեմ փակ մի անկյունում, Սինանյան է՝ ես քեզ անչափ եմ սիրում:

Հասմիկ Սինանյանը Նուբարաշենի թիվ 11 հատուկ դպրոցի այն սանուհիներից է, ովքեր խիզախություն ունեցան դատարանում ցուցմունքներ տալու և ի լուր ամենքի պատմելու. թե ինչ է կատարվել դրա պատերի ներսում: Նա միակն էր, որ չէր թաքցնում ֆոտոխցիկներից ու չէր փորձում թաքցնել իր անունը:

Հասմիկը բացարձակապես առողջ երեխա էր, երբ ծնողները, անպահովությունից մղված, նրան տեղավորեցին հատուկ գիշերօթիկ դպրոցում՝ նախատեսված մտավոր զարգացման խնդիրներ ունեցող երեխաների համար: Տանն ուտելու բան չկար, իսկ դպրոցում, նրանք համոզված էին, իրենց աղջիկը կուշտ կլինի, հագնված... Մնացյալի մասին չէին մտածում:

Մտածում էր երկար տարիներ ինքը՝ Հասմիկը: «Այստեղ միայն ես չի այդպիսին: Շատ էին առողջները: Մի անգամ ստուգողներ էին գալու դպրոց: Մեզ ասեցին, որ պետք է ամենքս մի թերությունով ձևանանք: Ես պետք է լինեմ սկլերոզ, դալտոնիկ: Ստուգողները հարցեր էին տալիս, մենք էլ գժի պես նայում էինք կողքերս: Նրանք գոհ հեռացան», - պատմում է նա:

Խոսելիս նա նյարդայնացած կրճտում է եղունգները, ու այս սովորությունը մատնում է ներքին ապրումները, որոնք այս ամբողջ տարիներին նա ջանացել է թաքցնել շրջապատից: «Միտում եմ մենակություն, ոտանավորներ են գրում, երազում եմ, երբեմն նույնիսկ խոսում ինքս ինձ հետ: Մի օր ընկերու-

հիս տեսավ, ասեց՝ Հասմ, էս մենակ-մենակ խոսո՞ւմ ես... Ամաչեցի»:

Այսօր նա ավարտել է դպրոցը, բայց վախենում է նույնիսկ մտածել սովորելու մասին. հատուկ դպրոցի վկայականը խարան է ողջ կյանքի համար: «Հիմա, երբ ավարտել եմ ողջ դպրոցը, մտածում եմ՝ ինչո՞ւ իմ հետ տե՞նց բան պիտի լիներ, ինչո՞ւ պիտի խորտակվեի այդ դպրոցում, էլ չեմ ուզում սովորելու մասին խոսել, սաղ անցած կյանքս դեմս ա գալիս, ա-վար, գնացքս գնացել ա...Ոչ էլ լավ կյանքի եմ արժանի, ով եմ ես, որ ինձ բանի տող դնեմ... ես արժեք չունեմ...» - ասում է Հասմիկը, որն այնուամենայնիվ երազում է. ինչ-որ ժամանակ իր բանաստեղծությունները կտպագրվեն, և մարդիկ կիմանան, որ ինքը նրանց ու աշխարհի հետ կիսվելու և նվիրելու բան ունի:

Հ.Գ. Հասմիկի մասին մենք իմացանք Մարիամ Սուխուրյանից, որը, ինչպես հայտնի է, առաջին անգամ բարձրագույնը Նուբարաշենի դպրոցի ամերիկացի բողոքը՝ հայոց Լեզվի ուսուցչի դասան վերաբերմունքից ու սեռական ոտնձգություններից: «Նա, ով տարիներ շարունակ արել է այդ բանտային ռեժիմով փակ համակարգում՝ Նուբարաշենի գիշերօթիկ դպրոցում, չի կորցրել իր ուժեղ կանքն ու կյանքի հանդեպ սերը: Թույլ չտանք, որ նա իրեն միայնակ զգա, կորովի»,- գրում է Հասմիկի մասին Մարիամ Սուխուրյանը՝ կոչ անելով օգնել նրան ոտքի կանգնելու, ինքնավստահություն ձեռք բերելու և մոտեցնելու իր երագանքը: